



Muskes van Metinitoren

Wis gain bouk zel zeggen kinnen
wat of 'Metini-muskes' binnen.
Nuzzeln onder n kipkapkogel
(Hail biezunder veur n vogel).
Muskes kinnen wind veurspellen
(Stadjers huiven t Weer nooit
bellen):

Windkracht ain, twij,
n poestje wind:
scharrelderij.
Windkracht drij, vaaier,
n doagse wind:
leggen aaier.
Windkracht vief,
n oardege wind:
bröds in t lief.
Windkracht zes,
n dikke bos wind:
borrelvlès.
Windkracht zeuven,
n roege wind:
barsten en kleuven.
Windkracht aacht,
n störmachtege wind:
kukens, zo zaacht.
Windkracht negen,
n störm:
drokke bewegen.
Windkracht tien,
n dikke störm:
kukens op t kezien.
Windkracht elven,
n hail minne störm:
over d'gewelven.
Windkracht twaalven,
n dwirrelstörm:
Stad in, hail kaalm.
Loat mie joe nog dit vertellen:
Metini stait op ozzevellen.
Roast t slim n moal, bevubbeld,
Kin je zain hou of e wubbelt.
Muskes zingen blied heur wieze:
'Vereg stait ons Olle Grieze'.

stichting
**grunneger
toal**



JAN SIEBO UFFEN.

Plaatje: JAN HUTTINGA.